





第一一八七册

四庫全書

●上海古籍出版社

本冊目次

秋聲集	蛟山房文集	蛟峰文遺集	附錄	秋堂集	北遊集	閨風集	覆瓿集	四明文獻集	碧梧玩芳集
宋衛宗武撰……………六二七	明方中續輯	宋方逢辰撰……………四九五		宋柴望撰……………四七五	宋汪夢斗撰……………四四九	宋舒岳祥撰……………三二三	宋趙必瓊撰……………二七五	宋王應麟撰 明鄭真輯……………一八一 陳朝輔輯……………	宋馬廷鸞撰……………一

欽定四庫全書

集部

碧梧玩芳集卷一至三

詳校官庶吉士臣張溥

主事臣呂雲棟覆勘

膳錄監生臣程廷璋

膳錄監生臣汪麟

欽定四庫全書

集部四

提要

碧梧玩芳集二十四卷 別集類三 宋

臣等謹案碧梧玩芳集二十四卷宋馬廷鸞撰廷鸞字翔仲樂平人淳祐七年進士歷官右丞相兼樞密使事迹具宋史本傳史稱其罷相歸後又十七年而卒考廷鸞之罷在度宗咸淳八年壬申其歿當在元世祖至元二

欽定四庫全書

碧梧玩芳集

十六年已丑今集中老學道院記稱著雍困敦之歲余年六十有七則作是文時去其病歿已不遠是集為其子端臨所編其曰碧梧玩芳者廷鸞家有碧梧精舍晚年又自號玩芳病叟因以為名也自明以來外間絕無傳本惟永樂大典所收頗存梗概大抵駢體最工理宗末年又居兩制朝廷大著作多出其手其他詩文亦皆典瞻秀潤盎然有卷軸之

味端臨承籍世業撰為文獻通考至今為藝
林寶重即廷竊所學可知也其集宋史不著
錄原編卷數已不可考謹以今所存者哀輯
排比分為二十三卷廷竊又嘗倣呂祖謙大
事記之例作讀史旬編以十年為一旬起帝
堯元載甲辰迄周顯德七年庚申為三十八
帙令全書雖佚而緒論尚散見永樂大典併
哀為一卷附于文後共為二十四卷宋史稱
廷竊所著又有六經集傳語孟會編楚辭補
記洙泗裔編讀莊筆記諸書今並不傳又稱
其召試館職時即以彊君德重相權收直臣
防近習為對為將作少監時論貢舉三事又
言宜蠲除被災州縣租賦為起居舍人時言
太史當謹書災異又言俞受敷施以壯人才
之精神虛心容納以植人言之骨幹念邦本
而以公滅私嚴邊備而思患預防同知樞密

院時言培命脉植根本崇寬大行忠厚又言
恢大度以優容虛聖心而延佇推內恕以假
借忍難行而聽納則情無不達理無不盡云
云其文今皆不見于集中或奏疏別為一編
故此集皆不見收歟乾隆四十六年九月恭
校上

總纂官 臣 紀昀 臣 陸錫熊 臣 孫士毅

總校官 臣 陸費墀

欽定四庫全書

碧梧玩芳集卷一

宋 馬廷鸞 撰

奏狀

漁石諭德辭免奏狀

自天有命踏地無容臣竊以聖主詒謀莫重元良之本
儒臣勸講尤嚴贊論之僚孰謂謫材遽塵華選伏念臣
蠢愚下士迂狃諸生久汚班行已寸長之蔑取驟登儲
室於三善以何裨忽蒙黼黻之簡知蹤預青宮之諷導

欽定四庫全書

碧梧玩芳集

載稽唐制見謂優秩清班允若聖時率用名流勝士臣
既無素望又匪舊人特被選掄殊駭觀聽懼深維谷誼
合循牆伏望聖慈俯鑒愚悃收回命渥免陪春誦之聯
別選才良上輔日新之學庶安愚分仰荅隆恩所有恩
命臣未敢祇受

除國子監司業辭免奏狀

自天有命踏地無容伏念臣才不如人學未聞道僥適
里選靡由庠序以進身綴組時文莫識聖賢之用意有

若儒官之選允由士類所推況朝廷天寬地大之時正

學校魚躍鸞飛之日欲淑佩襟之儀表是資領袖之端
良有如樂正之官是曰司成之副陽城可謂有道乃見
服於學徒高閑豈非儒臣或貽譏於公議仰尋先哲內
懼非才倘猶昧於循牆將有此而避席輒彈微悃仰冒
皇明恭望聖慈俯照忱懇收回誤渥改畀時流大學得
名儒使羞其行師氏教國子永觀厥成所有恩命臣未
敢祇受

欽定四庫全書

碧梧玩芳集

除兼翰林權直辭免奏狀

恩擢超踰愚衷震惕切以明時掌制聿嚴內命之司聖
主掄材尤遴外庭之選若稽史牒謹簡詞臣官清儉直
則備自有唐資淺攝承則昉由我宋上規開寶文郁乎
哉近接淳熙道粲然矣聿求宗匠俾典禁林然而望實
未孚神祖尚難於蘇軾官名初建孝皇始命於端詩伏
念臣猥以諸生起於下國識窮短綆無能汲古學之淵
源思滋寒竈不足協斯文之律呂以場屋辱儒之靡列

縉紳華選之先從太子游已懼罔功於論導見王者志若為有補於討論矧耆儒宿老甫爾請歸乃新學小生居然代匱繼承人之豈及臣愚恭望聖慈俯憐卑悃收回誤渥改畀名流庶幾詞章足以恢人文詔令足以宣皇澤坦然帝制復還二典之醇大哉王言俾達萬民之悅庶安愚分用竭忱辭

除權直學士院辭免奏狀

璧水充員無補明時之造士蓬山列事况遭聖代之右

欽定四庫全書

碧梧玩芳集

三

丈仍叨疊組之榮重誤疏綸之寵非天曷戴無地自容伏念臣猥以孤生起於下國繩樞甕牖曾無藻色之工金馬石渠早愧芸香之選頃從農畝召復舊班學淺資輕屢丐一麾於江海年除歲擢浸成三入於瀛洲更以常才猥忝少令豈直今世人文不輕得此政使先朝宿老尚或難之惟昔淳熙有臣必大嘗貳職於中秘兼典制於內庭彼其獨擅儒宗矧又奮由詞學然觀避疏猶云才技之無堪豈觀訓詞凜然名實之有戒是知華選

難畀庸流臣詞華敢企於前儒愚慙不逮於世事倘冒殊恩而亟拜滋誤審主之選掄俯庸披露於血忱仰乞收回於汗渙庶安舊次免累聖知所有上件恩命臣未敢祇受

元日除起居舍人辭免奏狀

渙揚宸渥震惕恩衷切以柱下清官朝中盛選致君堯舜執簡操筆皆聖人之徒事為春秋廣記備言斯國史之體諒非長德曷畀庸流臣才望至卑資歷尤淺復來

欽定四庫全書

碧梧玩芳集

四

七日中祕首塵泰內三陽右螭尾進歲月無幾旦暮輒遽率由典常最稱遴選諸所記注尚多攝承若徑冒於真除重貽譏於躡進而況謀猷內告缺然慙直方之姿書法後觀無以傳深微之意皆於聖代為有慙夫豈愚分之所安與其拾級以升徒有疾顛之懼孰若循牆而避庶幾初服之修恭望睿慈不嫌改命收回誤寵別畀時才式嚴君舉之書上贊帝王之治

除中書舍人辭免奏狀

九重超擢孤士震驚伏念臣素拙文辭尤疎學術終年
釐禁曾無起草之一工一日蔽垣驟玷為真之寵此何官
也臣散薰之自周典之掌贊書是資華國至唐人之有
還詔亦謂回天詞章寔茂則主德無以宣明風力銷沈
則公論難平滿懼至如真機尤疏優選臣修不試文而
除臣軾自記言而拜彼皆何等材分孰能與之躋攀厥
今聖主有從諫轉圜之明諸臣多會文切理之彥取之
下品恐不中書倘少昧於控辭是自貽於顛踣仰祈審
欽定四庫全書

除中書舍人再辭免奏狀

控辭誤渥首虞掌制之非工尚閔俞音更懼濫官之速
戾重彈庸陋頻瀆聖明伏念臣山林之瘴本無薄技歲
月之近徧歷華途晉貳蓬山俄接螭坳之步隨羣鷺路
躡追豹尾之班在於典常已越夷等愚臣玩日曾莫效
于消埃聖主如天纔一吐其狂瞽若更超擢允極僥踰

士有常心然後禮義庶配之與立官既易得正緣公卿
侍從之可圖伏望皇帝陛下察其愚衷賜之聖斷收回
恩命改畀時名使無處衆人之所爭而多取天下之公
器庶安愚分永戴皇明

隨龍轉四官辭免奏狀

鶴禁執經漫塵攀附龍飛賜秩特愧超踰躡等既深循
牆敢後伏念臣素持樸學恭際盛時三年獲侍於承華
一得何裨於新益性能天授本由聖學之高明日就月

欽定四庫全書

卷一

六

將安取愚臣之輔翼然且每盈歲奮輒被宸綸茲繼照
於離明復誕揚於渙汗不遺故舊石昭伐木之仁若假
器名徒重繁縷之錫恭望皇帝陛下俯憐卑悃亟寢誤
恩傳不勤師不煩昔已大成於后德官不諂士不濫今
宜益肅於朝綱

除權禮部尚書辭免奏狀

自天有命無地措躬切以文昌從列之最高儀曹邦典
之尤重詎謂孤蹤之宜去乃逢顯擢以攝承伏念臣被

遇先皇僬踰近侍徒以文辭之薄技適遭明主之殊知
武帝賜淮南王祇愧平時之視草成王命召太保驚聞
一旦之顧言萬宇摧心三靈變色恭際大明之出收悲
以欣幸逢小莖之求舉直錯枉此羣材連茹之日實寸
草歸根之時惟先帝蛇衣冠而宿空汗漫之遊遠矣若
微臣執筆墨而事主進退之誼何如莫獲徇身正宜屏
迹初非貪戀尚希進於明時姑示從容恐重傷于聖抱
胡為越躡驟有躋攀欲望皇帝陛下洞達聖聰俯矜愚
愴於此時而峻陟瀝血以辭若異日之甄陶捐軀而報
所有上件恩命臣未敢祇受

兼侍讀辭免奏狀

自天有命踏地無容伏念臣學殖空荒見聞單淺比充
員於新益獲侍龍潛茂有補於就將漫隨鴻翼茲蓋恭
遇皇帝陛下體乾剛健位履正中大明方升正懋緝熙
之學小莖求助尤資訪問之功嗣德在初知人則指欲
講明於邇廈宜簡拔於髦英非道不陳必有孟軻之素

欽定四庫全書

蘇軾集

卷一

學唯材是與難私秦府之舊僚欲望皇帝陛下深軫聖
慈俯矜愚悃特收成命宜亟畀於名流俾闡大猷以上
培於新德所有上件恩命臣未敢祇受

除端明殿學士簽書樞密院事辭免奏狀

臣伏蒙聖恩除臣端明殿學士簽書樞密院事特降中
使宣押臣赴院治事臣聞命震驚罔知所措伏念臣一
介孤生再逢明主禮闈擢第濫居衆選之上游禁苑試
言首辱先皇之殊遇浮沈三館邂逅一鳴虎豹守九關
早已困下窺之詠害鳳凰翔千仞詎容希羣羽之雖喈
天地重開班行再移首還冊府俄掾宰庭荏苒六年遭
逢千載靡知止足遍歷清華瞻帝鄉之雲愴陳末命升
暘谷之日竊仰重明臣塵筆橐而學識不足以裨補新
朝臣掌絲綸而文字不足以發揚大冊徒以舊陪儲禁
從而攝長春官既極僥踰念求閒散敢圖睿眷擢遣樞
臣奏薄技于從官尚難自勉贊本兵於宥府胡可冒居
矧未嘗一日而歷州縣之勞乃遽繇累遷而接廟堂之

欽定四庫全書

蘇軾集

卷一

武先朝名臣曾不一二後進晚輩敢冀萬分倘昧懇辭
立虞顛踣伏望皇帝陛下收回成命改畀英髦俾還獻
納之舊班祈遂退休之素志庶安愚分不辱聖知所有
上件恩命臣未敢祇受

表

中書舍人謝上表

戰筆右坳記事已叨于假寵演綸西掖代言忽冒于真
除對金蓮炬以增慚佩紫荷囊而不稱非天曷戴無地

欽定四庫全書

唐楊旼奏集

九

容中謝竊以修飾討論贊書體重溫醇深潤典制才

難於昭明堂迪惟今日宜有高文大冊以揚偉績宏休
巍巍乎蕩蕩乎惟堯有成功也渾渾爾灝灝爾下周其
必誰乎如臣者吹本濫竽汲惟短絆結綬寢踰於四載
濫巾何意于九遷辭宰掾佐儒官蛻簿書之凡質點禁
林貳祕府陪丈士之英游官僚徒採如春華柱史蔑聞
于辰告詎期睿獎更玷親除六學士三舍人何敢望一
時之名勝四三王六五帝若為兼兩制之發揮難酬雨

露之恩交積淵冰之懼茲蓋伏遇皇帝陛下聖神天造
剛健日新河西頌天子之明能見萬里山東感武夫之
聽迄濟中興良由號令罔有不臧匪獨文章煥焉可述
斧藻益彰于聖作網羅顧及于臣愚命服斯皇恩綸有
煒臣敢不恪共官次感誦君仁敕經鳳閣鸞臺獻替無
裨于大義名列難翹豹尾論思合罄于小忠

謝御賜詩表

欽定四庫全書

唐楊旼奏集

十

臣有常憲遞直玉堂帝庸作歌驟頒寶畫詞林盛事儒
藻榮觀中謝切以內禁申嚴諸儒倖直八磚晚造未許
倦游三伏早歸纔容風退率沿唐世以暨本朝惟昭代
之右文於儒臣而假寵凝酥入詠昉常錫於宸章前席
興思億荷蒙於聖製至如易簡尤邁熙陵彼皆傑然之
才宜被煥乎之寵如臣者汲同短絆吹類寒竽自慚操
上水之舟每念草歸田之賦比由夜直首沐天恩郢謬
初設於上方闕蒞仍頒於遠物事光前代眷迴異時未
踰浹日之期重拜非煙之瑞身兼兩制濫陪從雍之班

運際千齡驟捧橫汾之作思由上出感自中深茲蓋伏
遇皇帝陛下睿藻日新皇猷天縱虞絃協奏上同帝舜
之乃文漢筑漫歌俯陋高皇之末學奎畫龍鸞之眩晃
天章河漢之昭回若稽淳化之初絕出中興之後聖謨
有煒至德難名臣捧戴有榮襲藏惟謹寫之琬琰所宜
續舊制於金坡傳之子孫常恐發神光於部屋臣無任
瞻天望聖激切屏營之至景定五年六月某日朝請大
夫試中書舍人兼權直學士院兼同編修國史實錄院
同修撰兼太子庶子臣某表

欽定四庫全書

聖訓

進和御製詩表

恭惟皇帝陛下睿謨濬發聖藻彰施天縱又多能修龍
鸞之妙畫帝光飭萬物拔河漢之宸章比詞臣入直於
金坡乃御製親頒於寶畫焜煌聖作黼黻儒流賜龍箋
之題淳化初褒於易簡揭玉堂之榜紹興重錫於麟之
茲興起於人文亦對揚於祖武臣謬充鼇禁叨被龍光
羞薄技之前陳持庸音而廣載大明委照燭火安敢以

呈輝迅霆發聲衆賴自為之息響退循荒斐彌積兢慚
謹恭和成二首上瀆聖聰

除禮部侍郎謝上表

王制祿則贊書久塵內史帝岩能而典禮遽貳秩宗帶
悸有容衣華已泰感深滋懼恩厚難任中謝竊以侍從
班穹禮官責重韓愈奏薄技自許文章叔孫召鄒儒不
通時變况復愧漢唐之士若為事堯舜之君伏念臣一
介駑孤千齡際遇甘泉宮玉堂殿承詔才慳水蒼佩進

欽定四庫全書

聖訓

上

賢冠章身德薄漫塵兩制初乏一長天章下飭於禁林
寵過今狐之夜炬海潤無裨於儲案譏同公幹之春華
維鵜不濡瞻烏欲哺舍肉屢貽於頽谷歸耕獨戀於綿
田重汙高紳荐干閒廩遲頒俞旨早被恩言孰謂知禮
乎既慚綿蕞何以謂文也仍綰絲綸偃躬腰下之黃金
覲面階前之紅藥榮名過渥竊器易盈茲蓋伏遇皇帝
陛下任官惟賢知人則哲惟天明畏必惇典庸禮以代
天工作民乎先必發號施令而達民說詎容驚蹇疊冒

龍光臣內揆所蒙長懷未報聖人為禮教式敷降典之
邦彛明主可忠言敢愧進思之宸筆

進先皇御製宸翰表

臣某言臣先於景定五年六月同前學士牟子才恭被
烈文仁武安孝皇帝賜臣等御書御製玉堂寓直詩臣
等尋於學士院刊刻立石者伏以龍馭神游深抱烏號
之痛麓坡聖作空餘鳳翥之奇寫琬琰以甫成冒冕旒
而登進稍紆睿鑒深動孝思

中謝

臣庸謏書生遭逢先

欽定四庫全書

書檄狀奏集
卷一

十一

帝繩樞甕牖本非潤色之材金馬玉堂久玷清華之選
頻對花磚而候影頗同蓮炬之分輝維一介臣曷當主
眷與他學士皆拜雲章聖肆筆以成書帝作歌而賡載
翠珉就刻欲刊懿典於金坡仙鼎告成頓隔威顏於玉
座襲藏增感捧戴知榮茲蓋伏遇皇帝陛下景運當天
重華協帝繼文之業用彰神藻之發揮見堯於牆允極
聖情之追慕恭陳寶軸肅上宸宸供奉當時自負貞元
之朝士傳誇盛事尚矜淳化之詞臣臣無任感天荷聖

激切屏營之至所有先帝御書御製詩一軸謹隨表上
進以聞

同知樞密院事兼參政謝上表

名節載馳促朝魏闕恩書押被擢貳機庭恍驚詔綽之
新榮躡進籌帷之故步仰瞻天咫俯切氷兢

中謝

伏以

欽定四庫全書

書檄狀奏集
卷一

十一

覽岳量盈栢棧澤殄三年罹棘已誤太行之雲飛一旦
塗芝又報長安之日近荷聖主記憐於中野傍徨之後
感公朝拔擢於窮山寂寞之濱與之琴而使彈未忘切
切招以旌而欲往寧獨遲遲已稽俟駕之誅更被出綸
之寵昔叅宥命今副事樞藩臣勉論於里閭躬使傳宣
於畿輔玉階布武方趨紫殿以稱觴奎畫陟明復踐黃
扉而預政股肱所寄踵項莫酬茲蓋恭遇皇帝陛下舜
哲知人堯仁徧物元祐之開皇極既資彥博之壯猷慶

歷之對天章必擢仲淹之宿望英辟不承於祖武孱儒
曷繼於前修臣敢不仰戴洪休自鞭駑鈍集思廣益無
能効智於廟謨同寅協恭惟知純意於國事

提舉官進上經武要略表

於昭皇武續唐雅之獻歌有赫神謨軼漢書之輯略吉
涓穀旦肅上瑤編中謝伏以國家紫蓋黃旗上應東南
之運金城鐵壁外嚴西北之防徹桑常謹於綢繆汗竹
不勝其紀載武有七德務保大以為先天生五材欲去

欽定四庫全書

藝文類聚

五

兵而不可恭惟皇帝陛下乾旋坤轉日照月臨登瀚海
銘燕然蚤欲挽尚文之獎賦采薇歌林杜永無忘經武
之勤詰爾戎兵戒我師旅惟中興五世之業丕顯丕承
自淳祐四禩以來且攻且守爪士持弓而禦塞元臣授
鉞以臨邊北復襄樊南通交廣候望不撤乎四境籌帷
每出於萬全馬飲江湖坐送佛狸之死兵傳風鶴遙驅
草付之亡既侈伐功爰修武志混夷駢矣聿昭禦侮之
良皇王烝哉丕播駿聲之烈視諸故府欽乃攸司裁為

百卷之奏篇必提其要載續九年之行事皆聚此書臣
等莫補宏綱願規常德春秋無義戰於二三策以何稱
帝王有要經斯十一征而無敵

謝除觀文殿大學士提舉臨安府洞霄宮表

相印上還愧股肱之已墮宸綸中出知體貌之未衰侯
藩許避於鄉邦書殿仍兼於祠廩恩與天而同大感無
地以寄言中謝伏念臣猥以諛儒獲逢休運旁招俊乂

溫陪鴻翼之後塵利見大人親覩龍飛之盛際粵從初

欽定四庫全書

藝文類聚

五

政已躡近班千秋無閔閔功胡為取相公孫有狗馬病
宜亟避賢惟其未嘗施橫草之勞是以久而負積薪之
困公朝寬大假告頻數而并容明主矜存宣問稠重而
不已而臣任踰其分福過於災不勝惟疾之憂終冀乞
身而去疊干宸聽迄荷天從錫祕殿之穹班予便藩於
本郡尚方薰茗以厚其寵御府金幣以華其歸終然徇
偃僕之私展也賦支離之粟恭惟大造絕出常倫茲蓋
恭遇皇帝陛下仁深善貸德本好生念其景迫崦嵫尚

憂盈滿憐其身填溝壑將遂宜休姑無意於榮名俾自
儕於舊弼寵綏若此報稱謂何臣曷策枯羸仰酬高厚
冢宰掌邦治既蔑效於涓埃華封祝聖人當力勤於香
火

賀皇帝登寶位表

統接千歲王者無私明照四方大人有繼華夷胥悅宇
宙一新中賀恭惟皇帝陛下神授英奇性鍾睿哲聖功
養正期於傳不勤而師不煩帝位履中必也天助順而

欽定四庫全書

碧梧玩芳集
卷一

七

人助信謳歌有屬歷數攸歸遵聖父之顧言敬保元子
奉太皇之慈訓擁佑神孫稽春秋立嫡之丈法大易體
元之義一人有慶天下為公臣荷朝厚恩忝國舊輔河
青海宴共欣聖作之辰山高日升快覩時平之象

欽定四庫全書

碧梧玩芳集卷二

宋 馬廷鸞 撰

詔

招諭雲南土官等詔

朕誕膺景命君臨萬邦聲教所通無間遠邇曉此西南
之地實我祖宗之民叛賊死可伐敢冒刑章作為弗靖
侵掠境土戕害生人憫其狂愚累加招諭本賊執迷負
固罔有悛心爰命將而出師以恭行乎天討指其巢穴

欽定四庫全書

碧梧玩芳集
卷二

二

取彼渠魁尚慮諸路甸寨土官軍民人等或受制於凶
徒相煽搖而構亂原其初志匪出同謀既處危疑遂懷
反側庸申訓告俾亟來歸詔書到日除死可伐不赦外
應有被死可伐脅從誑誤之人納款出降者並免本罪
各安家業原有官者悉復其官能生擒死可伐及殺獲
其首級者具以名聞優加賞賚陞擢其死可伐族屬能
生擒殺獲本賊者命為本路土官該載不盡事理令總
兵官擬議申聞施行於戲威與惟新式布寬條而示信

自求多福勉思後效以圖功咨爾遠人體茲至意

景定五年十月丁卯詔

朕嗣守基圖君臨區寓歷四十一年內揆菲涼罔敢暇逸荷高穹之眷命蒙列聖之遺休洪濟艱難圖惟康乂歲事荐登而民生底定沴氣即弭而邊塵寢清朕方益勉修攘居懷儆戒積勤與豫有加無瘳乃至大漸恐不得負朕見羣臣皇太子溫文夙著仁孝有聞升儲副者五年久參裁於庶務宜自春宮而嗣服允符至道之舊

欽定四庫全書

卷二

二

章可於樞前即皇帝位皇后佐佑朕躬章明坤載可專為皇太后應軍國事務並聽皇帝處分爾其式遵成憲誕受多方益奉母儀恪遵慈訓皇帝成服三日聽政喪紀以日易月羣臣共為寬釋勿過推傷百官入臨並隨地之宜諸道州府長吏以下三日釋服在京禁音樂百日在外一月無禁祀祠嫁娶緣邊不用舉哀山陵制度務從儉約應中外諸軍支賜及其他不在詔中者並聽皇帝處分於戲人羨久生奈盈虛之有數天惟純佑罔

付託之得人更賴股肱之元臣文武列辟交修不逮協贊不平咨爾羣倫體予至意

求言詔

朕荷列聖之儲休膺先皇之傳祚顧惟菲質獲纘丕圖燭理昧而何以周知羣情更事淺而何以裁成庶務繼猶判渙其如多難之未堪不遑康寧永惟萬事之有關肆初臨聽合廣咨詢天難忱斯孰為延續之本民亦勞止孰為綏靖之方上而朕躬之愆違次而朝政之得失

欽定四庫全書

卷二

三

外則邊陲之利害下而田里之戚休惟言路之宏開為新政之急務用求忠諫期底救寧若昔大猷蓋有闢門之典閱予小子敢忘謀廟之詩言而可行則匪徒容納試之既效則宜示寵嘉悉意以陳爾無悖於後害虛心而聽朕方佇於嘉謨咨爾多方體予至意

賜侍讀侍講說書官詔

朕以菲質夙承義方先皇帝貽厥孫謀莫詳資善之一記予小子茲迪曩教俾親博雅之羣儒勉奉遺謨初承

大統感疇昔之間安視膳予惟見於牆見於羹矧今日之發政施仁且欲觀其志觀其行儻非講學何以紹圖王人求多聞必精研於古訓天下治在道宜深究於理源惟對賢士大夫之時常多則於古先帝王之道有得由堯舜禹湯而汲汲猶恐失之論唐虞仁聖以訢訢我自樂此肆因初服首開經帷既登進於舊游且旁延於時望惟端平親政讀衍義之成書惟景祐盛時陳正說之丕訓稽累朝謨烈之懿暨七篇仁義之陳六經之道

欽定四庫全書

卷二 藝文四庫全書

四

賜先朝故老大臣詔

朕纂承先帝之丕圖注想朝廷之故老天下大器念付託之惟艱舊德元龜方咨諏之是急曷言勛輔式燕殊庭曩屬時艱屢膺事柄入則謀謨廊廟出則控馭邊陲中國四夷每想聞其風采元侯宿將當稟聽其指呼豈

惟朝廷之周知蓋亦帷籌之熟講凡修攘之大政有老成之遠謀惟天全付予有家欲恢先緒乃心罔不在王室宜登忠猷

獎諭李履芝詔

王公設險以守封疆哲夫成城是資智策曠言淮左有若淝陽自五代之際迄百年以來雖人民城郭之或非尚陵阿泉池之不改藝祖肇基王迹所紀戎功先皇敷遺後人欲固吾國有嘉閭制能體廟謨百堵皆興不愆欽定四庫全書

卷二 藝文四庫全書

五

遠略

獎諭御前諸軍都統制利州路安撫使知興元府吳拱詔

省四川宣撫司奏卿發卒助修興元府渠堰宣力最多